

Guangjisi Minzcu Bau

ganbbau: CN45-0036 B.2017 Nd.4 Ng.26 liggaueq dingyoux nienz ndwenseiq coit

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3271期

Lungzlinz Ciuq Naemjap Moq Gyavaiq Yamqdin Haifat Lijyouz

隆林围绕新思路加快旅游开发进程

Bi 2016, Lungzlinz gaenjdaet hopheux gij hwngfat lohnaemj “laebdin swhyenz、ciengj gaem seizheiq、gohyoz gveihva、gyalai douzhauej、laebndei sezsih、gaijndei vanzging”, gyavaiq lijyouz haifat hwngfat baenaj, daengx yienh lijyouz gvaenghgyaq dijhi ngamq baenz yiengh, canjnieb gveihmoz mbouj-deunh gyahung, giekdae sezsih nem boiqdauq goengnaengz ngoenz ndei gvaq ngoenz, ciepdaih naengzlig caeuq fugsach caetliengh mboujduenh daezsang. Bi 2016 ciepdaih lijyouz cungjsouqunz 85.1 fanh vunzbaez, doengzbeij demlai 7.5%, saedyienh lijyouz cungjsouhauej 8.98 ik maenz, doengzbeij demlai 28.4%, saedyienh hong lijyouz hamj hwnj mbaek lae moq.

Ciuq gij anbaiz hong bangfuz Guekgya Lijyouzgiz caeuq Swcigih Lijfazveij, daengz bi 2020 doenggvaq hwngfat lijyouz canjnieb saedhengz lijyouz bangfuz aeu bangcoh vunz gungzhoj 17% doxhwnj saedyienh vut gungz. Ciuq aen yinvu neix, Lungzlinz nyinhcaen cujciz haiguh cingcinj faenbied lijyouz mbanjungzhoj, doiq gij gyaudoeng diuzgienh、lijyouz swhyenz、gij siengmuengh vunzlai dangdieg haifat lijyouz daengj yinhsu 88 aen mbanjungzhoj daengx yienh guh cunghab ngeixnaemj, doiq mbanj mbanjungzhoj miz giekdae hwngfat lijyouzyez guh genjleh moq, caemh-caiq dingh ok lijyouz bangfuz dajveh codauez. Ciuq 《Baksaek Lijyouz Bangfuz Sam Bi Hengzdoengh Dajveh》, bi 2016 hainduj le hong

lijyouz bangfuz Mbanjdwnzgoz caeuq Mbanjsanhcungh Dwzngo Cin.

Bi 2016 Lungzlinz hopheux gij moegbiu dajcauh “fungcingz lijyouz minzczu baihsae Guengjsae caeuq dieg lijyouz ciengx ndang youqndwi swnghdai”, banh baenz bi 2016 Cungguek(Lungzlinz) gaiq daihsam “Nanzbanzgyangh beih” ndaw dah epbya doxdax、Cungguek(Lungzlinz) • Dunghmungz youq diegraemx swyenz epbya doxdax、minzczu vwnzva langhbaij hozdung nem ciet diuqbo Myauzczu、ciet bogfeiz Yiczuz、ciet cimzmoq Gwzlaujcuз caeuq hoihfwen Bouxcuengh daengj ciet hung angqhoh hozdung gak siujsoq minzczu, mboujduenh hawj Lungzlinz miz-mingz.

(Veiz Ginyuz/韦珺儒)

Canghfwen Ndawbiengz Yinznanz Gveicouh Doxcomz Denzlinz Caez Eu Fwen Yienghnduj



滇黔民间歌手相约 田林齐唱原生态山歌

4 nyied 19 hauh, hoihfwen fwen yienghnduj minzczu Denzlinz youq aen yienh neix vwnzva gyangcangz cienggyiengj, 100 lai baux canghfwen ndawbiengz aen yienh neix hwnj daiz eu fwen, baij funghcaij. Doengzseiz lij iucingj le canghfwen ndawbiengz Gveicouh Swngj Cwzhwngh Yen、Yinznanz Swngj Funingz Yen caeuq Yougyangh、Lungzlinz、Sihlinz、Lingzyinz daengj yen(gih) aen si neix caemh daiz doxdax, caez ciengq hot fwen minzczu doxgiet、huzndei, yaem' wenq goksadsad, hawj yienhciengz bouxyawj ndaej daejniemh gij fungsug fungcingz caeuq vwnzva neihanz mbouj doengz dieg. Ndaw doz dwg canghfwen youq gwz daiz doiq fwen.

(Fungz Cunhyinz/冯春云 Luz Anhbingz/卢安平)

Duh'anh Gyalai Hwngfat Lajmbanj Swnghdai Lijyouz Canjnieb Bangrengz Vut Gungz Baenz Fouq

都安加大发展乡村生态旅游产业助力脱贫致富

Bi 2016 doxdauej, Duh'anh Yauzczu Swciyen baengh gijndei swhyenz, gyalai douzhauej doicaenh lajmbanj swnghdai lijyouz giekdae sezsih hwnjguh, aeu haenqrengz hwngfat swnghdai lijyouz canjnieb guh fwngzgaem, bangrengz vut gungz baenz fouq.

Bi 2016, aen yienh neix gungz cingjhab bumwnz ngaenzcienz bued roengz 1.1 ik maenz ngaenz laebdaeb doicaenh dieg lijyouz swnghdai lajmbanj Mbanjyinzhoz Bwzvang Cin、mbanjguhyienh fuzbinz lijyouz Mbanjhinghli Disuh Cin daengj 23 aen cungdenj hanghmoeg hwnjguh. Cujyau

gyagiengz hwnjguh laebndei raemx dien loh dieggingj、hawj dieggingj bienq gyaue、mbanj yisuz Bunujyauz、conzdungj ranz gaeuq、aen cungsim baij gai doxgaiq reihnaz daengj giekdae sezsih hwnjguh. Hawj dieg lijyouz baenz dieg comz yawjngonz、youqndwi、dozyouq、gwnngaiz、cawx doxgaiq youq itheij gyonjgyoeb daegsaek lijyouz canjnieb, gaenx-maenx gujli lajmbanj lijyouz cauhnib couhnib.

Doengzseiz, aen yienh neix aeu laebndei giekdae sezsih mbanjungzhoj caeuq gungganq gij canjnieb bangfuz fouq beksingq dangguh gij

neiyungz youqgaenj lijyouz bangfuz, doenggvaq “bouxak baenz fouq + ranzgungzhoj + lijyouz” “hozcozse + ranzgungzhoj + lijyouz” “gunghsw + ranzgungzhoj + lijyouz” daengj haeujguj、doxgap vunqsik, dajcauh lijyouz nungzgyahloz, hawj ranzgungzhoj gaenxmaenx camgya, caeziyengj hwngfat hoengzleih, caemhcaiq gaenx-maenx sonyinx vunzlai henzgyawj dieggingj hwngfat daegsaek gijgwn、gunghyibinj fwngzguh minzczu、gai doxgaiq reihnaz Mbanjyauz, gaijgez gij vwndiz gyauejvunz gungzhoj couhnib cauhnib.

(Lanz Fuzgvanh/蓝福宽)

SIUSIK DINJ

简讯

● 4 nyied 20 daengz 24 hauh, Dwzbauj Yen youq dij-yuzgvanj banh bi 2017 Heiq-cuengh buenxciengq yisuz beizyinbanh. 70 lai baux baux-yienj daj daengx yienh gak Heiqcuenghduenz yezyiz daeu haenx camgya le hagsib Heiq-cuengh buenxciengq、ngeih-yienz ndokmax、ngeihyienz、dizginz hung daengj dinfwngz buenxciengq nem lijun, vih daezsang gak Heiqcuenghduenz yezyiz yozgi buenxciengq suijbingz dwkroengz giekdae ndei.

(Nungz Yungjfang)

● 4 nyied 22 hauh, baux-hek youq Aen Ginggih Gexlueg Denhsuh Mungzsanh Yen guh-caemz, bae yawj gingjsaek ndei. Mungzsanh Yen aeu cauxlaeb aen yienh okmingz lijyouz daegsaek Guengjsae guh seiz-heiq, gyalai haifat byaraemx vwnzva lijyouz, youq Gexlueg Denhsuh、Byacaz Denhhuz daengj ginggih hai gij youz byaraemx caengaenh swhyienz、saekloeg swnghdai, baez daengz ngoenz singhgiz yinx ndaej haujlai bauxhek daeu yawjngonz gingjsaek.

(Gvanh Sinh)

● 4 nyied 20 hauh, Lungzswng Gak Cuz Swciyen Lungzciz Cin Cunghluz Cunh banh aen yizsi caeqbaiq gocaz geq. Beix-nuengx Yauzczu dangdieg ciuq conzdungj fungsug, haiguh caeqbaiq gocaz geq、ciengq fwen mbaetcaz、diuq foux mbaetcaz、langhbaij lwgsau Hungzyauz “mbin sang mbaetcaz” daengj hozdung, baijyienj gij fungsug conzdungj caeqbaiq gocaz Lungzciz laebdaeb cien bi haenx, cungfaen langhbaij gij yinxdaeuz daegbied Lungzciz caz vwnzva.

(Banh Cisiengz)

● Gaen bi neix daeu, Liujcwngz Yen doenggvaq hwnjlaeb dieg guhyienh yinxlingx, haenqrengz doigvangq nungzyez gihgaiva, daezsang nungzyez yauqik. Aen yienh neix gak gaep nungzyez、nungzgi bumwnz maedciet doxgap, doicaenh nungzgi nungzyi doxyungz, haenqrengz haiguh hong doigvangq guhyienh cienzbouh gihgaiva ndaem haeuxnaz、ndaem oij, aeundaiej cingzyauq ndei.

(Loz Yangzlij)